

十三經註

口仁12
479
17



門 12
禮記
卷

漢鄭氏註

周禮

芋栗園藏板

漢鄭氏序

世祖以來通人達士大中大夫鄭少翁及
子大司農仲師議郎衛次仲侍中賈君景
伯南郡太守馬季良皆作周禮解詁元龜
觀三三君子之文章顧古竹帛之浮辭其
所變易灼然如晦之見明其所彌縫奄然
如合符復析斯可謂雅達廣攬者也二鄭
者同宗之大儒今贊而辨之庶成此家世

周禮序

卷首

一

皆古書

波
21
19

東學

象地所立之官司徒主眾徒地者載養萬物天子立司徒使掌邦教亦所以安擾萬民

春官宗伯第三

象春所立之官也宗尊也伯長也春者出生萬物天子立宗伯使掌邦禮典禮以事神為上亦所以使天下報本反始不言司者鬼神元人之所尊不敢主之故也

夏官司馬第四

象夏所立之官馬者武也言為武者也夏整齊萬物天子立司馬使掌邦政政可以平諸侯正天下故曰統六師平邦國

秋官司寇第五

象秋所立之官寇害也秋者道也如秋義殺害收聚斂藏於萬物也天子立司寇使掌邦刑刑者所以驅恥惡納人於善道也

冬官考工記第六

此篇司空之官也是官名司空者冬閉藏萬物天子立司空使掌邦事亦所以富立家使民無空者也司空之篇亡漢興購求千金不得此前世識其事者記錄以備大數古周禮六篇畢矣

周禮卷之一

漢鄭氏註

天官冢宰第一

惟王建國辨方正位體國經野設官分職以爲民極乃立天官冢宰使帥其屬而掌邦治以佐王均邦國

建立也周公居攝而作六典之職謂之周禮營邑於土中七年致政成王以此禮授

司農天官序官

之使居雒邑治天下司徒職曰日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉辨別也鄭司農云別四方正君臣之位君南面臣北面之屬玄謂考工匠人建國水地以縣置藝以縣視以景爲規識日出之景與日入之景晝參諸日山之景夜考之極星以正朝

及是別四方召誥曰越三日戊申太保朝至于雒卜宅厥既得卜則經營越三日庚戌太保乃以庶殷攻位於雒汭越五日甲寅位成正位謂此定宮廟體猶分也經謂爲之里數鄭司農云營國方九里國中九經九緯左祖右社面朝後市野則九夫爲井四井爲邑之屬是也設官分職謂置冢宰司徒宗伯司馬司寇司空各有所職而

百事舉極中也令天下之人各得其中不
 失其所掌主也邦治王所以治邦國也佐
 猶助也鄭司農云邦治謂總六官之職也
 故大宰職曰掌建邦之六典以佐王治邦
 國六官皆總屬於冢宰故論語曰君薨百
 官總已以聽於冢宰言冢宰於百官無所
 不主爾雅曰冢大也冢宰大宰也

治官之屬大宰卿一人小宰中大夫二人宰

夫下大夫四人上士八人中士十有六人旅

下士三十有二人府六人史十有二人胥十

有二人徒百有二十人

大宰之大
音泰下同

變冢言大進退異名也百官總焉則謂之

冢列職於王則稱大冢大之上也山頂曰

冢旅衆也下士治衆事者自大宰至旅下

士轉相副貳皆王臣也王之卿六命其大

夫四命士以三命而下為差府治藏史掌

書者凡府史皆其官長所自辟除胥徒民給徭役者若今衛士矣胥讀如謂謂其有才知為什長

宮止上士二人中士四人下士八人府二人史四人胥四人徒四十八

正長也宮正主宮中官之長

宮伯中士二人下士四人府一人史二人胥二人徒二十八

伯長也

膳夫上士二人中士四人下士八人府二人

史四人胥十有二人徒百有二十人膳上職反

膳之言善也今時美物曰珍膳膳夫食官之長也鄭司農以詩說之曰仲允膳夫

庖人中士四人下士八人府二人史四人賈

八人胥四人徒四十八庖扶交反賈音古

庖之言苞也裹肉曰苞苴賈主市買知物

司豐天官序官

四

卷一百一十五

賈

內饗中士四人下士八人府二人史四人胥
十人徒百人饗於容反

饗割亨煎和之稱內饗所主在內

外饗中士四人下士八人府二人史四人胥
十人徒百人

外饗所主在外

亨人下士四人府一人史二人胥五人徒五

十人亨普庚反

主為外內饗煮肉者

甸師下士二人府一人史二人胥三十人徒

三百人甸田遍反

郊外曰甸師猶長也甸師主共野物官之
長

獸人中士四人下士八人府二人史四人胥
四人徒四十人

廩人中士二人下士四人府二人史四人胥

三十人徒三百人廩音魚

鼈人下士四人府二人史二人徒十有六人

腊人下士四人府二人史二人徒二十人腊音昔

腊之言夕也

醫師上士二人下士四人府二人史二人徒二十人

醫師眾醫之長

食醫中士二人

食有和齊藥之類

疾醫中士八人

瘍醫下士八人瘍音羊

瘍創癰也

獸醫下士四人

獸牛馬之類

酒正中士四人下士八人府二人史八人胥八人徒八十八人

酒正酒官之長

酒人奄十人女酒三十人奚三百人奄於檢反

奄精氣閉藏者今謂之宦人月令仲冬其器閔以奄女酒女奴曉酒者古者從坐男女没入縣官為奴其少才知以為奚今之侍史官婢或曰奚宦女

漿人奄五人女漿十有五人奚百有五十人

漿子良反

女漿女奴曉漿者

凌人下士二人府二人史二人胥八人徒八

十人凌力證反

凌冰室也詩云二之日鑿冰沖沖三之日納于凌陰

籩人奄一人女籩十人奚二十人

司盥天官序官七

竹曰籩女籩女奴之曉籩者

醢人奄一人女醢二十人奚四十人醢呼在反

醢豆實也不謂之豆此主醢豆不盡于醢

也女醢女奴曉醢者

醢人奄二人女醢二十人奚四十人醢呼西反

女醢女奴曉醢者

鹽人奄二人女鹽二十人奚四十人

女鹽女奴曉鹽者

冪人奄一人女冪十人奚二十人冪莫歷反

以巾覆物曰冪女冪女奴曉冪者

宮人中士四人下士八人府二人史四人胥

八人徒八十八

掌舍下士四人府二人史四人徒四十八

舍行所解止之處

幕人下士一人府二人史二人徒四十八幕武

博反

司皇天官

亭官

八

卷一

幕帷覆上者

掌次下士四人府四人史二人徒八十人

次自脩止之處

大府下大夫二人上士四人下士八人府四人史八人賈十有六人胥八人徒八十人

大府為王治藏之長若今司農矣

玉府上士二人中士四人府二人史二人工八人賈八人胥四人徒四十有八人

工能攻玉者

丙府中士二人府一人史二人徒十人

丙府主良貨賄藏在內者

外府中士二人府一人史二人徒十人

外府主泉藏在外者

司會中大夫二人下大夫四人上士八人中士十有六人府四人史八人胥五人徒五十人

會古外反

司豐天官序官

會大計也司會主天下之大計計官之長
若今尚書

司書上士二人中士四人府二人史四人徒
八人

司書主計會之簿書

職內上士二人中士四人府四人史四人徒
二十人

職內主入也若今之泉所入謂之少內

職歲上士四人中士八人府四人史八人徒
二十人

主歲計以歲斷

職幣上士二人中士四人府二人史四人賈
四人胥二人徒二十人

司裘中士二人下士四人府二人史四人徒
四十人

掌皮下士四人府二人史四人徒四十人

司豐天官序官

十 稽古樓

丙宰下大夫二人上士四人中士八人府四人史八人胥八人徒八十人

丙宰宮中官之長

丙小臣奄上士四人史二人徒八人

奄稱士者異其賢

閹人王宮每門四人圉游亦如之閹音昏音

閹人司昏晨以啓閉者刑人墨者使守門

圉御苑也游離宮也

寺人王之正內五人

寺之言侍也詩云寺人孟子正內路寢

內豎倍寺人之數

豎未冠者之官名

九嬪嬪符真反

嬪婦也昏義曰古者天子后立六宮三夫人九嬪二十七世婦八十一御妻以聽天

司豐天官序官

士

禮記

下之內治以明章婦順故天下內和而家
理也不列夫人于此官者夫人之于后猶
三公之于王坐而論婦禮無官職

世婦

不言數者君子不苟於色有婦德者充之
無則闕

女御

昏義所謂御妻御猶進也侍也

女祝四人奚八人

祝之六反

女祝女奴曉祝事者

女史八人奚十有六人

女史女奴曉書者

典婦功中士二人下士四人府二人史四人
工四人賈四人徒二十人

典主也典婦功者主婦人絲枲功官之長

典絲下士二人府二人史二人賈四人徒十

中士天官

序官

十一

卷之七

有二人

典桌下士二人府二人史二人徒二十人桌

反里

內司服奄一人女御二人奚八人

內司服主宮中裁縫官之長有女御者以衣服進或當於王廣其禮使無色過

縫人奄二人女御八人女工八十人奚三十

人縫扶用反

女工女奴曉裁縫者

染人下士二人府二人史二人徒二十人染如

反豔

追師下士二人府一人史二人工二人徒四

人追丁回反

追治玉石之名

屨人下士二人府一人史一人工八人徒四

人屨紀具反

司豐天官序官

夏采下士四人史一人徒四人

夏戶雅反

夏采夏翟羽色禹貢徐州貢夏翟之羽有虞氏以為綏後世或無過染鳥羽象而用之謂之夏采

大宰之職掌建邦之六典以佐王治邦國一曰治典以經邦國以治官府以紀萬民二曰教典以安邦國以教官府以擾萬民三曰禮典以和邦國以統百官以諧萬民四曰政典

以平邦國以正百官以均萬民五曰刑典以詰邦國以刑百官以糾萬民六曰事典以富邦國以任百官以生萬民

擾饒上聲詰音乞

大曰邦小曰國邦之所居亦曰國典常也經也法也王謂之禮經常所秉以治天下也邦國官府謂之禮法常所守以為法式也常者其上下通名擾猶馴也統猶合也詰猶禁也書曰度作詳刑以詰四方任猶

傳也生猶養也鄭司農云治典冢宰之職故立其官曰使帥其屬而掌邦治以佐王均邦國教典司徒之職故立其官曰使帥其屬而掌邦教以佐王安擾邦國禮典宗伯之職故立其官曰使帥其屬而掌邦禮以佐王和邦國政典司馬之職故立其官曰使帥其屬而掌邦政以佐王平邦國刑典司寇之職故立其官曰使帥其屬而掌

邦禁以佐王刑邦國此三時皆有官唯冬無官又無司空以三隅反之則事典司空之職也司空之篇亡小宰職曰六曰冬官其屬六十掌邦事

以八灋治官府一曰官屬以舉邦治二曰官職以辨邦治三曰官聯以會官治四曰官常以聽官治五曰官成以經邦治六曰官灋以正邦治七曰官刑以糾邦治八曰官計以弊

司豐天官

大宰

五

官

邦治

百官所居曰府弊斷也鄭司農云官屬謂六官其屬各六十若今博士大史太宰大祝大樂屬大常也小宰職曰以官府之六屬舉邦治一曰天官其屬六十是也官職謂六官之職小宰職曰以官府之六職辨邦治一曰治職二曰教職三曰禮職四曰政職五曰刑職六曰事職官聯謂國有大

稽古樓

臯也官計謂三年則大計羣吏之治而誅賞之立謂官刑司寇之職五刑其四曰官刑上能糾職官計謂小宰之六計所以斷羣吏之治

以八則治都鄙一曰祭祀以馭其神二曰灋則以馭其官三曰廢置以馭其吏四曰祿位以馭其士五曰賦貢以馭其用六曰禮俗以馭其民七曰刑賞以馭其威八曰田役以馭

司農天官大宰

七

稽古樓

其衆

都之所居曰鄙則亦瀆也典瀆則所用異
異其名也都鄙公卿大夫之采邑王子弟
所食邑周召毛聃畢原之屬在畿內者祭
祀其先君社稷五祀瀆則其官之制度廢
猶退也退其不能者舉賢而置之祿若今
月奉也位爵次也賦口率出泉也貢功也
九職之功所稅也禮祀昏姻喪紀舊所行

也鄭司農云士謂學士

以八柄詔王馭羣臣一曰爵以馭其貴二曰
祿以馭其富三曰予以馭其幸四曰置以馭
其行五曰生以馭其福六曰奪以馭其貧七
曰廢以馭其罪八曰誅以馭其過行去聲

柄所秉執以起事者也詔告也助也爵謂
公侯伯子男卿大夫士也詩曰誨爾序爵
言教王以賢否之第次也班祿所以富臣

下書曰凡厥正人既富方穀幸謂言行偶合於善則有以賜予之以勸後也生猶養也賢臣之老者王有以養之成王封伯禽於魯曰生以養周公死以爲周公後是也五福一曰壽奪謂臣有大罪沒入家財者六極四曰貧廢猶放也舜殛鯀于羽山是也誅責讓也曲禮曰齒路馬有誅凡言馭者所以馭之內之於善

以八統詔王馭萬民一曰親親二曰敬故三曰進賢四曰使能五曰保庸六曰尊貴七曰達吏八曰禮賓

統所以合率以等物也親親若堯親九族也敬故不慢舊也晏平仲久而敬之賢有善行也能多才藝者保庸安有功者尊貴尊天下之貴者孟子曰天下之達尊者三曰爵也德也齒也祭義曰先王之所以治

天下者五貴有德貴貴老敬長慈幼達
吏察舉勤勞之小吏也禮賓賓客諸侯所
以示民親仁善鄰

以九職任萬民一曰三農生九穀二曰園圃
毓草木三曰虞衡作山澤之材四曰藪牧養
蕃鳥獸五曰百工飭化八材六曰商賈阜通
貨賄七曰嬪婦化治絲枲八曰臣妾聚斂疏
材九曰閒民無常職轉移執事

毓古育字藪
音叟賈音古

任猶傳也鄭司農云三農平地山澤也九
穀黍稷秬稻麻大小豆大小麥八材珠曰
切象曰磋玉曰琢石曰磨木曰刻金曰鏤
革曰剝羽曰斲閒民謂無事業者轉移為
人執事若今傭賃也立謂三農原隰及平
地九穀無秣大麥而有梁菰樹果藪曰圃
園其樊也虞衡掌山澤之官主山澤之民
者澤無水曰藪牧牧田在遠郊皆畜牧之

地行曰商處曰賈阜盛也金玉曰貨布帛
曰賄嬪婦人之美稱也堯典曰釐降二女
嬪于虞臣妾男女貧賤之稱晉惠公卜懷
公之生日將生一男一女男為人臣女爲
人妾生而名其男曰圉女曰妾及懷公質
於秦妾爲宦女焉疏材百草根實可食者
疏不熟曰饑

以九賦斂財賄一曰邦中之賦二曰四郊之

賦三曰郊甸之賦四曰家削之賦五曰邦縣
之賦六曰邦都之賦七曰關市之賦八曰山
澤之賦九曰幣餘之賦削稍
去聲

財泉穀也鄭司農云邦中之賦二十而稅
一各有差也幣餘百工之餘立謂賦口率
出泉也今之算泉民或謂之賦此其舊名
與鄉大夫以歲時登其夫家之衆寡辨其
可任者國中自七尺以及六十野自六尺

以及六十有五皆征之遂師之職亦云以徵其財征皆謂此賦也邦中在城郭者四郊去國百里邦甸二百里家削三百里邦縣四百里邦都五百里此平民也關市山澤謂占會百物幣餘謂占賣國中之斥幣皆未作當增賦者若今賈人倍算矣自邦中以至幣餘各入其所有穀物以當賦泉之數每處為一書所待異也

以九式均節財用一曰祭祀之式二曰賓客之式三曰喪荒之式四曰羞服之式五曰工事之式六曰幣帛之式七曰芻秣之式八曰匪頒之式九曰好用之式

好去聲

式謂用財之節度荒凶年也羞飲食之物也工作器物者幣帛所以贈勞賓客者芻秣養牛馬禾穀也鄭司農云匪分也頒讀為班布之班謂班賜也玄謂王所分賜羣

臣也好用燕好所賜予

以九貢致邦國之用一曰祀貢二曰嬪貢三曰器貢四曰幣貢五曰材貢六曰貨貢七曰服貢八曰旂貢九曰物貢

旂音中

嬪故書作賓鄭司農云祀貢犧牲包茅之屬賓貢皮帛之屬器貢宗廟之器幣貢繡帛材貢木材也貨貢珠貝自然之物也服貢祭服旂貢羽毛物貢九州之外各以其

所貴為摯肅慎氏貢楛矢之屬是也立謂

嬪音絲泉器貢銀鐵石磬丹漆也幣貢玉

馬皮帛也材貢檣榦栝柏篠簜也貨貢金

玉龜貝也服貢絺紵也旂讀如圍游之游

旂貢燕好珠璣琅玕也物貢雜物魚鹽橘

柚

以九兩繫邦國之民一曰牧以地得民二曰

長以貴得民三曰師以賢得民四曰儒以道

司豐天官

大宰

三

稽古樓

得民五曰宗以族得民六曰主以利得民七
曰吏以治得民八曰友以任得民九曰數以
富得民長上聲

兩猶耦也所以協耦萬民繫聯綴也牧州
長也九州各有封域以居民也長諸侯也
一邦之貴民所仰也師諸侯師氏有德行
以教民者儒諸侯保氏有六藝以教民者
宗繼別為大宗收族者鄭司農云主謂公

卿大夫世世食采不絕民稅薄利之立謂
利讀如上思利民之利謂以政教利之吏
小吏在鄉邑者友謂同井相合耦耨作者
孟子曰鄉田同井出入相友守望相助疾
病相扶持則百姓親睦藪亦有虞掌其政
令為之厲禁使其地之民守其材物以時
入于王府頒其餘於萬民富謂藪中材物
正月之吉始和布治于邦國都鄙乃縣治象

之法于象魏使萬民觀治象挾日而斂之音懸挾

音接

正月周之正月吉謂朔日大宰以正月朔

日布王治之事於天下至正歲又書而縣

于象魏振木鐸以徇之使萬民觀焉小宰

亦帥其屬而往皆所以重治法新王事也

凡治有故言始和者若改造云爾鄭司農

云象魏闕也故魯災季桓子御公立于象

魏之外命藏象魏曰舊章不可忘從甲至

甲謂之挾日凡十日

乃施典于邦國而建其牧立其監設其參傳

其伍陳其殷置其輔鑿音鑿參音

乃者更申勅之以侯伯有功德者加命作

州長謂之牧所謂八命作牧者監謂公侯

伯子男各監一國書曰王啟監厥亂為民

參謂卿三人伍謂大夫五人鄭司農云殷

是天官大宰

五 皆古婁

治律輔為民之平也立謂殷眾也謂眾士也王制諸侯上士二十七人其中士下士各居其上之三分輔府史庶人在官者也

乃施灋于都鄙而建其長立其兩設其伍陳

其殷置其輔長上聲

長謂公卿大夫王子弟食采邑者兩謂兩卿不言三卿者不足于諸侯鄭司農云兩謂兩丞

乃施灋于官府而建其長立其貳設其攷陳其殷置其輔

正謂冢宰司徒宗伯馬司寇司空也貳謂小宰小司徒小宗小司馬小司寇小司空也考成也佐成者謂宰夫鄉師肆師軍司馬士師也司考未聞其考

凡治以典待邦國之治以則待都鄙之治以灋待官府之治以官成待萬民之治以禮待

賓客之治

成八成禮賓禮

祀五帝則掌百官之戒與其具脩前期十

日帥執事而卜曰

帥同

祀五帝謂四郊之堂誓戒要之以刑重

失禮也明堂位各揚其職百官廢職

服大刑是其辭之略也其所當共作

糞洒前期前所誦之日也十日容散齊七

日致齋三日執事宗伯大卜之屬既卜又

戒百官以始齋

及執事既滌濯及納亨贊玉牲事及祀之日

贊玉幣爵之事

既同視亨同烹

執事初為祭事前祭日之夕滌濯謂澆祭

器及甒甗之屬納亨納牲將告殺謂鄉祭

之晨既殺以授亨人凡大祭祀君親牽牲

大夫贊之日且明也玉幣所以禮神玉與

幣各如其方之色爵所以獻齊酒不用玉爵尚質也三者執以從王至而授之

祀大神亦如之享先王亦如之贊玉几玉

爵亦同

大神祇謂天地玉几所以依神天子左右

玉几宗廟獻用玉爵

大朝觀會同贊玉幣玉獻玉几玉爵朝音潮下同

助王受此四者時見曰會殷見曰同大會

同或於春朝或於秋覲舉春秋則冬夏可

知玉幣諸侯享幣也其合亦如小行人所

合六幣云玉獻獻國珍異亦執玉以致之

玉几王所依也立而設几優尊者玉爵王

禮諸侯之酢爵王朝諸侯立依前南面其

禮之於阼階上

大喪贊贈玉含玉含音憾

助王為之也贈玉既窆所以送先王含玉

死者口實天子以玉雜記曰含者執璧將命曰寡君使某含則諸侯含以璧鄭司農云含玉璧琮

作大事則戒于百官贊王命

助王為教令春秋傳曰國之大事在祀與戎

王眡治朝則贊聽治

治朝在路門外羣臣治事之朝王視之則

助王平斷

眡四方之聽朝亦如之

謂王巡守在外時

凡邦之小治則冢宰聽之待四方之賓客之小治

大事決於王小事冢宰傳平

歲終則令百官府各正其治受其會聽其致

事而詔王廢置會音怪凡各職要會

司農天官

大宰

三

皆行婁

歲終周季冬日也正正處也會大計也聽其致事者平其事來至者之功狀而奏白

王

三歲則大計羣吏之治而誅賞之

事久則聽之大無功不徒廢必罪之大有功不徒置必賞之鄭司農云三載考績

小宰之職掌建邦之宮刑以治王宮之政令凡宮之糾禁

杜子春云宮當皆為官立謂宮刑在王宮

中者之刑建明布告之糾猶割也察也若

今御史中丞

掌邦之六典八灋八則之貳以逆邦國都鄙官府之治執邦之九貢九賦九式之貳以均財節邦用

逆迎受之鄭司農云貳副也

以官府之六敘正羣吏一曰以敘正其位二

司農天官

小宰

三十

稽古樓

曰以敘進其治三曰以敘作其事四曰以敘制其食五曰以敘受其會六曰以敘聽其情敘秩次也謂先尊後卑也治功狀也食祿之多少情爭訟之辭

以官府之六屬舉邦治一曰天官其屬六十掌邦治大事則從其長小事則專達二曰地官其屬六十掌邦教大事則從其長小事則專達三曰春官其屬六十掌邦禮大事則從

其長小事則專達四曰夏官其屬六十掌邦政大事則從其長小事則專達五曰秋官其屬六十掌邦刑大事則從其長小事則專達六曰冬官其屬六十掌邦事大事則從其長小事則專達長上聲

大事從其長若庖人內外饗與膳夫共王之食小事專達若宮人掌舍各為一官六官之屬三百六十象天地四時日月星辰

之度數天道備焉前此者成王作周官其志有述天授位之義故周公設官分職以灋之

以官府之六職辨邦治一曰治職以平邦國以均萬民以節財用二曰教職以安邦國以寧萬民以懷賓客三曰禮職以和邦國以諧萬民以事鬼神四曰政職以服邦國以正萬民以聚百物五曰刑職以詰邦國以糾萬民以除盜賊六曰事職以富邦國以養萬民以生百物

懷亦安也賓客來共其委積所以安之聚百物者司馬主九畿職方制其貢各以其所有

以官府之六職聯合邦治一曰祭祀之聯事二曰賓客之聯事三曰喪荒之聯事四曰軍旅之聯事五曰田役之聯事六曰斂弛之聯事

凡小事皆有聯

鄭司農云大祭祀大宰贊玉幣司徒奉牛
 牲宗伯視滌濯滌玉鬯省牲饌奉玉盥司
 馬羞魚牲奉馬牲司寇奉明水火大喪大
 宰贊贈玉含玉司徒帥六鄉之眾庶屬其
 六糾宗伯為上相司馬平士大夫司寇前
 王此所謂官聯杜子春弛讀為施立謂荒
 政弛力役及國中貴者賢者服公事者老

者疾者皆舍不以力役之事奉牲者其司
 空奉豕與

以官府之八成經邦治一曰聽政役以比居
 二曰聽師田以簡稽三曰聽閭里以版圖四
 曰聽稱責以傅別五曰聽祿位以禮命六曰
 聽取予以書契七曰聽賣買以質劑八曰聽
 出入以要會比音避責同債傳音附予音羽劑音茲

鄭司農云政謂軍政也役謂發兵起徒役

也比居謂伍籍也比地爲伍因內政寄軍令以伍籍發軍起役者平而無遺脫也簡稽士卒兵器簿書簡猶閱也稽猶計也合也合計其士之卒伍閱其兵器爲之要簿也故遂人職曰稽其人民簡其兵器國語曰黃池之會吳陳其兵皆官師擁鐸拱稽版戶籍圖地圖也聽人訟地者以版圖決之司書職曰邦中之版土地之圖稱責謂

貸予傅別謂券書也聽訟責者以券書決之傅傅著約束於文書別別爲兩兩家各得一也禮命謂九賜也書契符書也質劑謂市中平賈今時月平是也要會謂計最之簿書月計曰要歲計曰會故宰夫職曰歲終則令羣吏正歲會月終則令正月要傅別故書作傅辨鄭大夫讀爲符別杜子春讀爲傅別玄謂政謂賦也凡其字或作

政或作正或作征以多言之宜從征如孟子交征利云傳別謂為大手書於一札中字別之書契謂出予受入之凡要凡簿書之最目獄訟之要辭皆曰契春秋傳曰王叔氏不能舉其契質劑謂兩書一札同而別之長曰質短曰劑傳別質劑皆今之券書也事異異其名耳禮命禮之九命之差等

以聽官府之六計弊羣吏之治一曰廉善二曰廉能三曰廉敬四曰廉正五曰廉澁六曰廉辨

聽平治也平治官府之計有六事弊斷也既斷以六事又以廉為本善善其事有辭譽也能政令行也敬不解於位也正行無傾邪也澁守澁不失也辨辨然不疑惑也杜子春云廉辨或為廉端

以灋掌祭祀朝覲會同賓客之戒具軍旅田

役喪荒亦如之七事者令百府官共其財用

治其施舍聽其治訟 朝音潮共音 恭各職放此

灋謂其禮灋也戒具戒官有事者所當共

七事謂先四如之者三也施舍不給役者

七事故書為小事杜子春云當為七事書

亦為七事

凡祭祀贊王幣爵之事裸將之事

又從大宰助王也將送也裸送送裸謂贊

王酌鬱鬯以獻尸謂之裸裸之言灌也明

不為飲主以祭祀唯人道宗廟有裸天地

大神至尊不裸莫稱焉凡鬱鬯受祭之啐

之奠之

凡賓客贊裸凡受爵之事凡受幣之事

唯裸助宗伯其餘皆助大宰王不酌賓客

而有受爵大宗伯職曰大賓客則攝而載

裸

喪荒受其含襚幣玉之事

春秋傳曰口實曰含衣服曰襚凶荒有幣玉者賓客所賜委之禮

月終則以官府之敘受羣吏之要

主每月之小計

贊冢宰受歲會歲終則令羣吏致事

使齋歲盡文書來至若今上計

正歲帥治官之屬而觀治象之法徇以木鐸曰不用灋者國有常刑乃退以宮刑憲禁于王宮令于百官府曰各脩乃職放乃灋待乃事以聽王命其有不共則國有大刑

正歲謂夏之正月得四時之正以出教令者審也古者將有新令必奮木鐸以警眾使明聽也木鐸木舌也文事奮木鐸武事奮金鐸憲謂表縣之若今新有灋令云乃

猶女也

宰夫之職掌治朝之灋以正王及三公六卿

大夫羣吏之位掌其禁令

朝音潮後皆同

治朝在路門之外其位司士掌焉宰夫察

其不如儀

敎羣吏之治以待賓客之令諸臣之復萬民之逆

恒次敎諸吏之職專三者之來則應使辨

理之鄭司農云復請也逆迎受王命者宰

夫主諸臣萬民之復逆故詩人重之曰家

伯維宰玄謂復之言報也反也反報於王

謂於朝廷奏事自下而上曰逆逆謂上書

掌百官府之徵令辨其八職一曰正掌官灋

以治要二曰師掌官成以治凡三曰司掌官

灋以治目四曰旅掌官常以治數五曰府掌

官契以治藏六曰史掌官書以贊治七曰胥

司豐天官

宰夫

三

管古妻

掌官敘以治敘八曰徒掌官令以徵令藏才浪反

別異諸官之八職以備王之徵召所為正

辟於治官則冢宰也治要若歲計也師辟

小宰宰夫也治凡若月計也司辟上士中

士治目若今日計也旅辟下士也治數每

事多少異也治藏藏文書及器物贊治若

今起文書草也治敘次序官中如今侍曹

伍佐傳吏朝也徵令趨走給招呼

掌治灋以攷百官府羣都縣鄙之治乘其財

用之出入凡失財用物辟名者以官刑詔冢

宰而誅之其足用長財善物者賞之辟同避長上聲

羣都諸采邑也六遂五百家為鄙五鄙為

縣言縣鄙而六鄉州黨亦存焉乘猶計也

財泉穀也用貨賄也物畜獸也辟名詐為

書以空作見文書與實不相應也官刑在

司寇五刑第四者

司豐天官 宰夫 三九 嘗古婁

以式灋掌祭祀之戒具與其薦羞從大宰而
 眠滌濯凡禮事贊小宰比官府之具凡朝覲
 會同賓客以牢禮之灋掌其牢禮委積膳獻
 飲食賓賜之餼牽與其陳數委音穢積音恣後放此餼音孫
 薦脯醢也羞庶羞內羞比較次之牢禮之
 灋多少之差及其時也三牲牛羊豕具為
 一牢委積謂牢米薪芻給賓客道用也膳
 獻禽羞俶獻也飲食燕饗也鄭司農云餼

夕食也春秋傳曰餼有陪鼎牽牲牢可牽
 而行者春秋傳曰餼牽竭矣立謂餼客始
 至所致禮凡此禮陳數存可見者唯有行
 人掌客及聘禮公食大夫

凡邦之弔事掌其戒令與其幣器財用凡所
 共者大喪小喪掌小官之戒令帥執事而治
 之三公六卿之喪與職喪帥官有司而治之
 凡諸大夫之喪使其旅帥有司而治之

司豐天官

宰夫

四

卷之四

弔事弔諸侯諸臣幣所用賻也器所致明器也凡喪始死弔而含禭葬而贈贈其間加恩厚則有賻焉春秋譏武氏子來求賻大喪王后世子也小喪夫人以下小官士也其大官則冢宰掌其戒令治謂共辨旅冢宰下士

歲終則令羣吏正歲會月終則令正月要旬終則令正日成而以攷其治治不以時舉者以告而誅之

歲終周季冬也正猶定也旬十日也治不

時舉者謂違時令失期會

正歲則以灋警戒羣吏令脩宮中之職事

警勅戒之言鄭司農云正歲之正月以灋

戒勅羣吏

書其能者與其良者而以告于上

良猶善也上謂小宰大宰也鄭司農云若

居禮

和古樓

今時舉孝廉賢良方正茂才異等

宮正掌王宮之戒令糾禁以時比宮中之官

府次舍之眾寡

比毗志反
舍音赦

糾猶割也察也時四時比按次其人之在
否官府之在宮中者若膳夫玉府內宰內
史之屬次諸吏直宿若今部署諸慮者舍
其所居寺

為之版以待

鄭司農云為官府次舍之版圖也待待比

也玄謂版其人之名籍待待戒令及比

夕擊柝而比之國有故則令宿其比亦如之

柝叶
各反

夕莫也莫行夜以比直宿者為其有解惰

離部署鄭司農云柝戒守者所擊也易曰

重門擊柝以待暴客春秋傳曰魯擊柝聞

於邾故謂禍哉令宿宿衛王宮春秋傳曰

周禮天官

宮正

卷二

官正

忘守必危况有災乎玄謂故凡非常也文
 王世子曰公有出疆之政庶子以公族之
 無事者守於公宮正室守大廟諸父守貴
 宮貴室諸子諸孫守下宮下室此謂諸侯
 也王之庶子職掌國子之倅國有大事則
 帥國子而致於太子唯所用之者令宿之
 事蓋亦存焉

辨外內而時禁

鄭司農云分別外人內人禁其非時出入

稽其功緒糾其德行幾其出入均其稍食去

其注意與其奇衰之民

行去聲幾同譏去上聲奇音雞衰音斜

稽猶考也計也功吏職也緒其志業鄭司

農云幾其出入若今時宮中有罪禁止不

能出亦不得入及無引籍不得入宮司馬

殿門也玄謂幾呵其衣服持操及疏數者

稍食祿稟民宮中吏之家人也淫放濫也

怠懈慢也奇衰譎觚非常

會其什伍而教之道藝

五人為伍二伍為什會之者使之輩作輩

一學相勸帥其寄宿衛之令鄭司農云道謂

先王所以教道民者藝謂禮樂射御書數

月終則會其稍食歲終則會其行事

行事吏職也

凡邦之大事令于王宮之官府次舍無去守

而聽政令

使居其處待所為

春秋以木鐸脩火禁

火星以春出以秋入因天時而以戒

凡邦之事蹕宮中廟中則執燭

蹕音畢

鄭司農讀火絕之云禁凡邦之事蹕國有

事王當出則宮正主禁絕行者若今時衛

士填街蹕也宮中廟中則執燭宮正主為

王於宮中廟中執燭立謂事祭事也邦之
祭社稷七祀於宮中祭先公先王於廟中
隸僕掌蹕止行者宮正則執燭以為明春
秋傳曰有大事於太廟又曰有事於武宮
大喪則授廬舍辨其親疏貴賤之居

廬倚廬也舍室室也親者貴者居倚廬疏
者賤者居室室雜記曰大夫居廬士居室
室

宮伯掌王宮之士庶子凡在版者

鄭司農云庶子宿衛之官版名籍也以版
為之今時鄉戶籍謂之戶版立謂王宮之
士謂王宮中諸吏之適子也庶子其支庶
也

掌其政令行其秩敘作其徒役之事

秩祿稟也敘才等也作徒役之事天子所
用

授八次八舍之職事

衛王宮者必居四角四中於微候便也鄭
司農云庶子衛王宮在內為次在外為舍
立謂次其宿衛所在舍其休沐之處

若邦有大事作宮眾則令之

謂王宮之士庶子於邦有大事或選當行
月終則均秩歲終則均敘以時頒其衣裳掌
其誅賞

頒讀為班班布也衣裳若今賦冬夏衣

膳夫掌王之食飲膳羞以養王及后世子

食飯也飲酒漿也膳牲肉也羞有滋味者

凡養之具大略有四

凡王之饋食用六穀膳用六牲飲用六清羞
用百有二十品珍用八物醬用百有二十

饗音

進物於尊者曰饋此饋之盛者王舉之饌也六牲馬牛羊豕犬雞也羞出於牲及禽獸以備滋味謂之庶羞公食大夫禮內則下大夫十六上大夫二十其物數備焉天子諸侯有其數而物未得盡聞珍謂淳熬淳母炮豚炮牂擣珍漬熬肝骨也醬謂醢醢也王舉則醢人共醢六十饗以五羶七醢七菹三醢貫之醢人共羶菹醢物六十

饗鄭司農云羞進也六穀稌黍稷粱麥苽

苽彫胡也六清水漿醴醑醫醢

王曰一舉鼎十有二物皆有俎

殺牲盛饌曰舉王曰一舉以朝食也后與

王同庖鼎十有二牢鼎九陪鼎三物謂牢

鼎之實亦九俎

以樂侑食膳夫授祭品嘗食王乃食卒食以

樂徹于造

司農天官

膳夫

畢七

嘗古婁

侑猶勸也祭謂剝肺脊也禮飲食必祭示有所先品者每物皆嘗之道尊者也造作也鄭司農云造謂食之故所居處也已食徹置故處

王齊日三舉

齊音齋日三舉王氏應電云宜作則不舉與下文類相從

鄭司農云齊必變食

大喪則不舉大荒則不舉大札則不舉天地有裁則不舉邦有大故則不舉

札蓋人聲

大荒凶年六札疫癘也天裁日月晦食地

裁崩動也大故寇戎之事鄭司農云大故

刑殺也春秋傳曰司寇行戮君為之不舉

王燕食則奉膳贊祭

燕食謂日中與夕食奉膳奉朝之餘膳所

祭者牢肉

凡王祭祀賓客食則徹王之胾俎

膳夫親徹胾俎胾俎最尊也其餘則其屬

司豐天官

膳夫

哭

音古樓

徹之賓客食而王有胙俎王與賓客禮食
主人飲食之俎皆為胙俎見於此矣

凡王之稍事設薦脯醢

鄭司農云稍事為非日中大舉時而間食
謂之稍事膳夫主設薦脯醢玄謂稍事有
小事而飲酒

王燕飲酒則為獻主

鄭司農云主人當獻賓則膳夫代王為主

君不敵臣也燕義曰使宰夫為獻王臣莫

敢與君亢禮

掌后及世子之膳羞

亦主其饌之數不饋之耳

凡肉脩之頒賜皆掌之

鄭司農云脩脯也

凡祭祀之致福者受而膳之

致福謂諸臣祭祀進其餘肉歸胙于王鄭

司農天官膳夫

卷之四

司農云膳夫受之以給王膳
以摯見者亦如之

鄭司農云以羔鴈雉為摯見者亦受以給
王膳

歲終則會唯王及后世子之膳不會

不會計多少優尊者其頒賜諸臣則計之
庖人掌共六畜六獸六禽辨其名物

六畜六牲也始養之曰畜將用之曰牲春

秋傳曰卜日曰牲鄭司農云六獸麋鹿熊

麇野豕兔六禽鴈鶉鸚雉鳩鴿玄謂獸人

冬獻狼夏獻麋又內則無熊則六獸當有

狼而熊不屬六禽於禽獻及六摯宜為羔

豚犢麇雉鴈凡鳥獸未孕曰禽司馬職曰

大獸公之小禽私之

凡其死生蠹薨之物以共王之膳與其薦羞

之物及后世子之膳羞蠹同鮮
薨音考

司農天官庖人

手

稽古樓

凡計數之薦亦進也備品物曰薦致滋味
乃為羞王言薦者味以不褻為尊鄭司農
云鮮謂生肉薨謂乾肉

共祭祀之好羞

好去聲

謂四時所為膳食若荊州之鱧魚青州之
蟹胥雖非常物進之孝也

共喪紀之庶羞賓客之禽獻

喪紀喪事之祭謂虞祔也禽獻獻禽於賓

客獻古文為獸杜子春云當為獻

凡令禽獻以灋授之其出入亦如之

令令獸人也禽獸不可久處賓客至將獻
之庖人乃令獸人取之必書所當獻之數
與之及其來致禽亦以此書校數之至于
獻賓客又以此書付使者展而行之掌客
乘禽於諸侯各如其命之數聘禮乘禽於
客日如其饗餼之數士中日則之雙

司禮天官

庖人

五

皆古禮

凡用禽獻春行羔豚膳膏香夏行腍鱠膳膏

臊秋行犢麇膳膏腥冬行鱧羽膳膏羶

音騷 音搜 腍

用禽獻謂煎和之以獻王鄭司農云膏香

牛脂也以牛脂和之腍乾雉鱠乾魚膏臊

豕膏也以豕膏和之杜子春云膏臊犬膏

膏腥豕膏也鮮魚也羽鴈也膏羶羊脂也

玄謂膏腥雞膏也羔豚物生而肥犢與麇

物成而充腍鱠燠熱而乾魚鴈水涸而性

定此八物者得四時之氣尤盛為人食之

弗勝是以用休廢之脂膏煎和膳之牛屬

司徒土也雞屬宗伯木也犬屬司寇金也

羊屬司馬火也

歲終則會唯王及后之膳禽不會

膳禽四時所膳禽獻如世子可以會之

內饗掌王及后世子膳羞之割亨煎和之事

居禮

稽古樓

辨體名肉物辨百品味之物

和去聲

割肆解肉也亨煮也煎和齊以五味體名

脊脅肩臂臠之屬肉物蔽燔之屬百品味

庶羞之屬言百舉成數

王舉則陳其鼎俎以牲體實之

取於鑊以實鼎取於鼎以實俎實鼎曰脊

實俎曰載

選百羞醬物珍物以俟饋

先進食之時恒選擇其中御者

共后及世子之膳羞

膳夫掌之是乃共之

辨腥臊羶香之不可食者牛夜鳴則膺羊冷

毛而羴羶犬赤股而躁臊鳥鵞色而沙鳴狸

豕盲眦而交睫腥馬黑脊而般臂蠖

狸音鬱

腥臊羶香可食者是別其不可食者則所

謂者皆臭味也冷毛毛長總結也鵞失色

司農天官

內饗

卷三

卷五

不澤美也沙澌也交睫腥腥當為星聲之誤也肉有如米者似星般臂臂毛有文鄭司農云膂朽木臭也螻蛄臭也杜子春云盲眊當為望視

凡宗廟之祭祀掌割亨之事凡燕飲食亦如之凡掌共羞脩刑臠胙骨鱠以待共膳凡王之好賜肉脩則饗人共之臠音呼好去聲掌共共當為具羞庶羞也脩鍛脯也胙如

脯而腥者鄭司農云刑臠謂夾脊肉或曰膾肉也骨鱠謂骨有肉者立謂刑劔羹也臠腍肉大臠所以祭者骨牲體也鱠乾魚好賜王所善而賜也

外饗掌外祭祀之割亨共其脯脩刑臠陳其鼎俎實之牲體魚腊凡賓客之殮饗饗食之事亦如之腊音昔食音嗣

殮客始至之禮饗既將幣之禮致禮於客

莫盛於饗

邦饗耆老孤子則掌其割亨之事饗士庶子亦如之師役則掌其獻賜脯肉之事

孤子者死王事者之子也士庶子衛王宮者若今時之饗衛士矣王制曰周人養國老於東膠養庶老於虞庠獻謂酌其長帥凡小喪紀陳其鼎俎而實之謂喪事之奠祭

亨人掌共鼎鑊以給水火之齊職外內饗之

爨亨煮辨膳羞之物祭祀共大羹鉶羹賓客

亦如之齊同劑大音泰

鑊所以煮肉及魚腊之器既孰乃胥于鼎齊多少之量職主也爨今之竈主於其竈煮物大羹肉湑鄭司農云大羹不致五味也鉶羹加鹽菜矣

甸師掌帥其屬而耕耨王藉以時入之以共

司豐天官 亨人 甸師 五圭 稽古樓

周禮

盥盛盥音資

其屬府史胥徒也耨芸芋也王以孟春躬耕帝藉天子三推三公五推卿諸侯九推庶人終於千畝庶人謂徒三百人藉之言借也王一耕之而使庶人芸芋終之盥盛祭祀所用穀也粢稷也穀者稷為長是以名云在器曰盛

祭祀共蕭茅

鄭大夫云蕭字或為茜茜讀為緇束茅立之祭前沃酒其上酒滲下去若神飲之故謂之縮縮浚也故齊桓公責楚不貢苞茅王祭不共無以縮酒杜子春讀為蕭蕭香蒿也玄謂詩所云取蕭祭脂郊特牲云蕭合黍稷臭陽達於牆屋故既薦然後炳蕭合馨香合馨香者是蕭之謂也茅以共祭之苴亦以縮酒苴以藉祭縮酒沛酒也醴

禮記天官甸師

卷六 音古

齊縮酌

共野果蓏之薦蓏音裸

甸在遠郊之外郊外曰野果桃李之屬

瓜瓞之屬

喪事代王受胥胥生上聲

桑盛者祭祀之主也今國遭大喪若云此黍稷不馨使鬼神不逞于王既殯大祝作禱辭授甸人使以禱藉田之神受胥裁弭

後殃

王之同姓有辜則死刑焉

鄭司農云王同姓有罪當刑者斷其獄於甸師之官也文王世子曰公族有死罪則磬於甸人又曰公族無官刑獄成致刑于甸人又曰公族無官刑不踐其類也刑于隱者不與國人慮兄弟

帥其徒以薪蒸役外內饗之事

甸師

甸師

卷七

禮古

役為給役也木大曰薪小曰蒸

獸人掌罟田獸辨其名物冬獻狼夏獻麋春

秋獻獸物

罟罔也以罔搏所當田之獸狼膏聚麋膏散聚則溫散則涼以救時之苦也獸物凡獸皆可獻也及狐狸

時田則守罟及弊田令禽注于虞中

守罟備獸觸攫弊仆也仆而田止鄭司農

云弊田謂春火弊夏車弊秋羅弊冬徒弊

虞中謂虞人釐所田之野及弊田植虞旗

於其中致禽而珥焉獸人主令田眾得禽

者置虞人所立虞旗之中當以給四時社

廟之祭故曰春獻禽以祭社夏獻禽以享

禴秋獻禽以祀祊冬獻禽以享烝又曰大

獸公之小禽私之公之謂輸之於虞中珥

焉者取左耳以致功若斬首折馘故春秋

傳曰以數軍實

凡祭祀喪紀賓客共其死獸生獸

共其完者

凡獸入于腊人皮毛筋角入于玉府

入于腊人當乾之也入于玉府給作器物也

凡田獸者掌其政令

廩人掌以時廩為梁

月令季冬命漁師為梁鄭司農云梁水偃也偃水為關空以笱承其空詩曰敝笱在

梁

春獻王鮪辨魚物為鱣鼈以共王膳羞凡祭祀賓客喪紀共其魚之鱣鼈

王鮪鮪之大者月令季春薦鮪于寢廟鮮生也鼈乾也

凡廩者掌其政令凡廩征入于玉府

司農天官

廩人

鼈人

五九

卷一百一十五

鄭司農云漁征漁者之租稅漁人主收之入于玉府

鼈人掌取互物

鄭司農云互物謂有甲齒胡龜鼈之屬

以時簞魚鼈龜蜃凡狸物

簞音綽狸音埋蜃辰上聲

蜃大蛤鄭司農云簞謂以杖刺泥中搏取之狸物龜鼈之屬自狸藏伏於泥中者玄謂狸物亦謂鱣刀含漿之屬

春獻鼈蜃秋獻龜魚

此其出在淺處可得之時魚亦謂自狸藏

祭祀共蠃羸蚺以投醢人掌凡邦之簞事

蠃羸

上聲羸音羅蚺音池

羸蠃蚺鄭司農云蠃蛤也杜子春云蠃蟀也蚺蛾子國語曰蟲舍蚺蛭

腊人掌乾肉凡田獸之脯腊膾胖之事凡祭祀共豆脯薦脯膾胖凡腊物賓客喪紀共其

司豐天官

腊人

李

皆古

脯腊凡乾肉之事

大物解肆乾之謂之乾肉若今涼州鳥翅
矣薄析曰脯槌之而施薑桂曰鍛脩腊小
物全乾脯非豆實豆當為羞聲之誤也鄭
司農云臘胖肉鄭大夫云胖讀為判杜子
春讀胖為版又云臘胖皆謂夾脊肉又云
禮家以胖為半體玄謂公食大夫禮曰庶
羞皆有大者此據肉之所擬祭者也又引

有司徹曰主人亦一魚加臘祭于其上此
據主人擬祭者臘與大亦一也內則曰麋
鹿田豕屬皆有胖足相參正也大者馘之
大鬻臘者魚之反覆臘又詁曰大二者同
矣則是臘亦腍肉大鬻胖宜為脯而腥胖
之言片也析肉意也禮固有腥膾爛雖其
有為孰之皆先制乃亨

天官冢宰下

醫師掌醫之政令聚毒藥以共醫事凡邦之有疾病者兆瘍者造焉則使醫分而治之音兆

毒藥藥之辛苦者藥之物恒多毒孟子曰

若藥不眩眩厥疾不瘳兆頭瘍亦謂禿也

身傷曰瘍分之者醫各有能

歲終則稽其醫事以制其食十全為上十失一次之十失二次之十失三次之十失四為

下

食祿也全猶愈也以失四為下者五則半

矣或不治自愈

食醫掌和王之六食六飲六膳百羞百醬八

珍之齊

和去聲食音嗣齊通劑下並同

和調也

凡食齊眠春時羹齊眠夏時醬齊眠秋時飲

齊眠冬時

司豐天官

食醫

卷

醫古妻

飯宜温美宜熱醬宜涼飲宜寒

凡和春多酸夏多苦秋多辛冬多鹹調以滑

甘

各尚其時味而甘以成之猶水火金木之
藏於土內則曰棗栗飴蜜以甘之堇苴粉
榆婉槁滫髓以滑之

凡會膳食之宜牛宜稌羊宜黍豕宜稷犬宜

梁鴈宜麥魚宜菰

稌音社
菰音孤

會成也謂其味相成鄭司農云稌稷也爾

雅曰稌稻菰彫胡也

凡君子之食恒放焉

放上聲

放猶依也

疾醫掌養萬民之疾病四時皆有癘疾春時

有瘡首疾夏時有痒疥疾秋時有瘧寒疾冬

時有嗽上氣疾

瘡音消
上上聲

癘疾氣不和之疾瘡酸削也首疾頭痛也

嗽欬也上氣逆喘也五行傳曰大癘作見
以五味五穀五藥養其病

養猶治也病由氣勝負而生攻其羸養其
不足者五味醯酒飴蜜薑鹽之屬五穀麻
黍稷麥豆也五藥草木蟲石穀也其治合
之齊則存乎神農子儀之術云

以五氣五聲五色眡其死生

三者劇易之微見於外者五氣五藏所出

氣也肺氣熱心氣次之肝氣涼脾氣溫腎
氣寒五聲音語宮商角徵羽也五色面貌
青赤黃白黑也察其盈虛休王吉凶可知
審用此者莫若扁鵲倉公

兩之以九竅之變參之以九藏之動藏去聲

兩參之者以觀其死生之驗竅之變謂開
閉非常陽竅七陰竅二藏之動謂脉至與
不至正藏五又有胃膀胱大腸小腸脉之

大候要在陽明寸口能專是者其唯秦和乎岐伯榆柎則兼彼數術者

凡民之有疾病者分而治之死終則各書其所以而入于醫師

少者曰死老者曰終所以謂治之不愈之狀也醫師得以制其祿且為後治之戒

瘍醫掌腫瘍潰瘍金瘍折瘍之祝藥劑殺之

齊

瘍音羊副音刮齊同劑

腫瘍癰而上生創者潰瘍癰而含膿血者

金瘍刃創也折瘍踠跌者祝當為注讀如

注病之注聲之誤也注謂附著藥劑刮去

膿血殺謂以藥食其惡肉

凡療瘍以五毒攻之以五氣養之以五藥療

之以五味節之

止病曰療攻治也五毒五藥之有毒者今

醫方有五毒之藥作之合黃堊置石膽丹

砂雄黃礬石慈石其中燒之三日三夜其
煙上著以雞羽掃取之以注創惡肉破骨
則盡出既刮殺而攻盡其宿肉乃養之也
五氣當為五穀字之誤也節節成其藥之
力

凡藥以酸養骨以辛養筋以鹹養脈以苦養
氣以甘養肉以滑養竅凡有瘍者受其藥焉
以類相養也酸木味木根立地中似骨辛

金味金之纏合異物似筋鹹水味水之流
行地中似脈苦火味火出入無形似氣甘
土味土含載四者似肉滑滑石也凡諸滑
物通利往來似竅

獸醫掌療獸病療獸瘍

畜獸之疾病及瘍療同醫

凡療獸病灌而行之以節之以動其氣觀其
所發而養之

療畜獸必灌行之者為其病狀難知灌以
緩之且強其氣也節趨聚之節也氣謂脈
氣既行之乃以脈視之以知所病

凡療獸瘍灌而劑之以發其惡然後藥之養
之食之食音嗣

亦先攻之而後養之

凡獸之有病者有瘍者使療之死則計其數
以進退之

酒正掌酒之政令以式灋授酒材

式法作酒之法式作酒既有米麴之數又
有功沽之巧月令曰乃命大會秬稻必齊
麴蘖必時湛餼必潔水泉必香陶器必良
火齊必得鄭司農云授酒人以其材

凡為公酒者亦如之

謂鄉射飲酒以公事作酒者亦以式法及
酒材授之使自釀之

辨五齊之名一曰泛齊二曰醴齊三曰盎齊

四曰緹齊五曰沈齊

齊同劑緹音體

泛者成而滓浮泛泛然如今宜成醪矣醴猶體也成而汁滓相將如今恬酒矣盎猶翁也成而翁翁然蔥白色如今鄩白矣緹者成而紅赤如今下酒矣沈者成而滓沈如今造清矣自醴以上尤濁縮酌者益以下差清其象類則然古之法式未可盡聞

杜子春讀齊皆為粢又禮器曰緹酒之用玄酒之尚玄謂齊者每有祭祀以度量節作之

辨三酒之物一曰事酒二曰昔酒三曰清酒

鄭司農云事酒有事而飲也昔酒無事而飲也清酒祭祀之酒玄謂事酒酌有事者之酒其酒則今之醪酒也昔酒今之酋久白酒所謂舊醪者也清酒今中山冬釀接

夏而成

辨四飲之物一曰清二曰醫三曰漿四曰醕

醫音倚
醕音移

清謂醴之泚者醫內則所謂或以醕為醴
凡醴濁釀醕為之則少清矣醫之字從殿
從四省也漿今之截漿也醕今之粥內則
有黍醕醕飲粥稀者之清也鄭司農說以
內則曰飲重醴稻醴清酒黍醴清酒梁醴

清酒或以醕為醴漿水臆后致飲于賓客
之醴有醫醕糟糟音聲與酒相似醫與臆
亦相似文字不同記之者各異耳此皆一
物

掌其厚薄之齊以共王之四飲三酒之饌及
后世子之飲與其酒

后世子不言饌其饋食不必具設之五齊
正用醴為飲者取醴恬與酒味異也其餘

四齊味皆似酒

凡祭祀以醴共五齊三酒以實八尊大祭三
貳中祭再貳小祭壹貳皆有酌數唯齊酒不
貳皆有器量

酌器所用注尊中者數量之多少未聞鄭
司農云三貳三益副之也大祭天地中祭
宗廟小祭五祀齊酒不貳為尊者質不敢
副益也杜子春云齊酒不貳謂五齊以祭

不益也其三酒人所飲者益也弟子職曰
周旋而貳唯噍之視立謂大祭者王服大
裘衮冕所祭也中祭者王服鷩冕毳冕所
祭也小祭者王服希冕立冕所祭也三貳
再貳一貳者謂就三酒之尊而益之也禮
運曰立酒在室醴醎在戶粢醎在堂澄酒
在下澄酒是三酒也益之者以飲諸臣若
今常滿尊也祭祀必用五齊者至敬不尚

味而貴多品

共賓客之禮酒共后之致飲于賓客之禮醫
醅糟皆使其士奉之

禮酒王所致酒也王致酒后致飲夫婦之
義糟醫醅不清者泐曰清不泐曰糟后致
飲無醅醫醅不清者與王同體屈也亦因
以少為貴士謂酒人漿人奄士

凡王之燕飲酒共其計酒正奉之

共其計者獻酬多少度當足也故書酒正
無酒字鄭司農云正奉之酒正奉之也

凡饗士庶子饗耆老孤子皆共其酒無酌數
要以醉為度

掌酒之賜頒皆有灋以行之凡有秩酒者以
書契授之

灋尊卑之差鄭司農云有秩酒者給事中
予之酒秩常也常受酒者國語曰至于今

秩之立謂所秩者謂老臣王制曰七十不
俟朝八十月告存九十日有秩

酒正之出日入其成月入其要小宰聽之

出謂授酒材及用酒之多少也受用酒者

日言其計於酒正酒正月盡言於小宰

歲終則會唯王及后之飲酒不會以酒式誅
賞

誅賞作酒之善惡者

酒人掌為五齊三酒祭祀則共奉之以役世
婦

世婦謂宮卿之官掌女宮之宿戒及祭祀
比其具酒人共酒因留與其奚為世婦役
亦官聯

共賓客之禮酒飲酒而奉之

酒正使之也禮酒饗燕之酒飲酒食之酒
此謂給賓客之稍王不親饗燕不親食而

司豐天官酒人

圭

肯古婁

使人各以其爵以酬幣侑弊致之則從而以酒往

凡事共酒而入于酒府

入于酒正之府者是王燕飲之酒酒正當奉之

凡祭祀共酒以往賓客之陳酒亦如之

不言奉小祭祀也陳酒謂若歸饗餼之酒亦自有奉之者以酒從往

漿人掌共王之六飲水漿醴涼醫醕入于酒府

王之六飲亦酒正當奉之醴醴清也鄭司農云涼以水和酒也立謂涼今寒粥若糗飯雜水也酒正不辨水涼者無厚薄之齊

共賓客之稍禮

稍禮非殮饗之禮留間王稍所給賓客者漿人所給亦六飲而已

唐禮

和丁本

共夫人致飲于賓客之禮清醴醫醢糟而奉之

亦酒正使之三物有清有糟夫人不體王得備之禮飲醴用柶者糟也不用柶者清也

凡飲共之

謂非食時

凌人掌冰正歲十有二月令斬冰三其凌

正歲季冬火星中大寒冰方盛之時春秋傳曰火星中而寒暑退凌冰室也三之者為消釋度也故書正為政鄭司農云掌冰政主藏冰之政也杜于春讀掌冰為主冰也政當為正正謂夏正三其凌三倍其冰春始治鑑凡外內饗之膳羞鑑焉凡酒漿之酒醴亦如之

鑑如甕大口以盛冰置食物于中以禦温

司禮天官

冰人

七

音古

氣春而始治之為二月將獻羔而啟冰酒醴見温氣亦失味酒漿酒人漿人也

祭祀共冰鑑賓客共冰大喪共夷槃冰

賓客不以鑑往嫌使停膳羞夷之言尸也實冰于夷槃中置之尸牀之下所以寒尸尸之槃曰夷槃牀曰夷牀衾曰夷衾移尸曰夷于堂皆依尸而為言者也漢禮器制度大槃廣八尺長丈二尺深三尺漆赤中

夏頒冰掌事秋刷

刷所刮反

暑氣盛王以冰頒賜則主為之春秋傳曰古者日在北陸而藏冰西陸朝覲而出之刷清也鄭司農云刷除冰室當更內新冰互謂秋涼冰不用可以清除其室

籩人掌四籩之實

籩竹器如豆者其容實皆四升

朝事之籩其實麩蕡白黑形鹽膾鮑魚鱠

音

司農天官

籩人

羞

音古婁

豐無音胡
鱸音脩

蕡臬實也鄭司農云朝事謂清朝未食先
進寒具口實之籩熬麥曰麩麻曰蕡稻曰
白黍曰黑粢鹽以為虎形謂之形鹽故春
秋傳曰鹽虎形玄謂以司尊彝之職參之
朝事謂祭宗廟薦血腥之事形鹽鹽之似
虎者膾牒生魚為大鱸鮑者於福室中糗
乾之出於江淮也鱸者析乾之出東海王

者備物近者腥之遠者乾之因其宜也今
河間以北煮種麥賣之名曰逢燕人膾魚
方寸切其腴以啗所貴

饋食之籩其實棗栗桃乾榛榛實

老榛音

饋食薦孰也今吉禮存者特牲少牢諸侯
之大夫士祭禮也不裸不薦血腥而自薦
孰始是以皆云饋食之禮乾榛乾梅也有
桃諸梅諸是其乾者榛似栗而小

司農天官籩人

美

皆古婁

加籩之實菱芡栗脯菱芡栗脯

加籩謂尸既食后亞獻尸所加之籩重言之者以四物為八籩菱芡也芡雞頭也栗與饋食同鄭司農云菱芡脯脩

羞籩之實粳餌粉養

餌音耳養音慈

羞籩謂若少牢主人酬尸宰夫羞房中之羞于尸侑主人主婦皆右之者故書養作次鄭司農云粳熬大豆與米也粉豆屑也

次字或作養謂乾餌餅之也立謂此二物皆粉稻米黍米所為也合蒸曰餌餅之曰養粳者搗粉熬大豆為餌養之黏著以粉之耳餌言粳養言粉互相足

凡祭祀共其籩薦羞之實喪事及賓客之事共其薦籩羞籩

薦羞皆進也未食未飲曰薦既食既飲曰羞喪事之籩謂殷奠時

司農 天官 籩人

老 曾古妻

為王及后世子共其內羞

於其飲食以共房中之羞

凡籩事掌之

醢人掌四豆之實朝事之豆其實韭菹醢醢

呂本麋藟菁菹鹿藟茹菹麋藟醢音坻藟音均

醢肉汁也昌本昌蒲根切之四寸為菹三

藟亦醢也作醢及藟者必先膊乾其肉乃

後莖之雜以梁麴及鹽漬以美酒塗置甌

中百日則成矣鄭司農云麋藟麋肝髓醢

或曰麋藟醬也有骨為藟無骨為醢菁菹

韭菹鄭大夫讀茹為茅茅菹茅初生或曰

茹水草杜子春讀茹為卯玄謂菁蔓菁也

茹鳧葵也凡菹醢皆以氣味相成其狀未

聞

饋食之豆其實葵菹麋醢脾析麋醢蜃蜃醢

豚拍魚醢羸音螺羸彭上聲拍音博

司豐天官醢人

夫

省古婁

羸虺蚰蜥大蛤蚘蛾子鄭司農云脾析牛
百葉也蠹蛤也鄭大夫杜子春皆以拍為
膊謂脅也或曰豚拍肩也今河間名豚脅
聲如鍛鑄

加豆之實芹菹兔醢深蒲醢醢菹菹鴈醢筍

菹魚醢菹音菹

芹楚葵也鄭司農云深蒲蒲弱入水深故
曰深蒲或曰深蒲桑耳醢醢肉醬也菹水

中魚衣故書鴈或為鶉杜子春云當為鴈

玄謂深蒲蒲始生水中于菹箭萌筍竹萌

羞豆之實醢食糝食食音嗣糝素感反

鄭司農云醢食以酒醢為餅糝食菜餼蒸
玄謂醢饗也內則曰取稻米舉糝溲之小
切狼臠膏以與稻米為饗又曰糝取牛羊
豕之肉三如一小切之為稻米稻米二肉
一合以為餌煎之

司禮 天官 醢人

堯 官古書

凡祭祀共薦羞之豆實賓客喪紀亦如之為
王及后世子共其內羞王舉則共醢六十齏
以五齊七醢七菹三鬻實之

齊當為齏五齏昌本脾析蜃豚拍深蒲也
七醢醢羸蠃蚘魚兔鴈醢七菹韭菁茆葵
芹筍荀菹三鬻麋鹿麋鬻也凡醢醬所和
細切為齏全物若牒為菹少儀曰麋鹿為
菹野豕為軒皆牒而不切麋為辟雞兔為

宛脾皆牒而切之切葱若薤實之醢以柔
之由此言之則齏菹之稱菜肉通

賓客之禮共醢五十齏凡事共醢

賓客共醢致饗餼時

醢人掌共五齊七菹凡醢物以共祭祀之齊
菹凡醢醬之物賓客亦如之王舉則共齊菹
醢物六十齏共后及世子之醬齊菹賓客之
禮共醢五十齏凡事共醢

司農

天官

醢人

醢人

全

皆古書

齊菹醬屬醯人者皆須醯成味

鹽人掌鹽之政令以共百事之鹽

政令謂受人教所處置求者所當得

祭祀共其苦鹽散鹽賓客共其形鹽散鹽王之膳羞共飴鹽后及世子亦如之

杜子春讀苦為鹽謂出鹽直用不凍治鄭

司農云散鹽凍治者玄謂散鹽鬻水為鹽

形鹽鹽之似虎形飴鹽鹽之恬者今戎鹽

有焉

凡齊事鬻鹽以待戒令

齊音齊鬻音古

齊事和五味之事鬻鹽凍治之

冪人掌共巾冪

冪音覓

共巾可以覆物

祭祀以疏布巾冪八尊以畫布巾冪六彝

以疏布者天地之神尚質宗廟可以文畫

者畫其雲氣與

冪人

全

稽古樓

凡王巾皆黼

四飲三酒皆畫黼周尚武其用文德則黻

可

宮人掌王之六寢之脩為其井匱除其不蠲

去其惡臭

匱音宴
去上聲

六寢者路寢一小寢五玉藻曰朝辨色始入君日出而視朝退適路寢聽政使人視大夫大夫退然後適小寢釋服是路寢以

治事小寢以時燕息焉春秋書魯莊公薨于路寢僖公薨于小寢是則人君非一寢明矣井漏井所以受水潦蠲猶潔也詩云吉蠲為饗鄭司農云匱路廁也玄謂匱豬謂雷下之池受畜水而流之者
共王之沐浴凡寢中之事埽除執燭共鑪炭
凡勞事

沐浴所以自潔清勞事勞褻之事

司豐天官宮人

八

卷之六

四方之舍事亦如之

從王適四方及會同所舍

掌舍掌王之會同之舍設榼

榼音陞
榼音互

重平聲

故書榼為柜鄭司農云榼榼也柜受居

溜水凍豪者也杜子春讀為榼榼榼謂

行馬玄謂行馬再重者以周衛有外內列

設車宮轅門

謂王行止宿阻險之處備非常次車以為

藩則仰車以其轅表門

為壇壝宮棘門

謂王行止宿平地築壇又委壝土起媚埒

以為宮鄭司農云棘門以戟為門杜子春

云棘門或為材門

為帷宮設旌門

謂王行晝止有所展肆若食息張帷為宮

司禮天官掌舍

則樹旌以表門

無宮則共人門

謂王行有所逢遇若住遊觀陳列周衛則立長大之人以表門

凡舍事則掌之

王行所舍止

幕人掌帷幕幄帟綬之事

幕音莫幄烏帟反帟音亦

王出宮則有是事在旁曰帷在上曰幕幕

一或在地展陳于上帷幕皆以布為之四合

象宮室曰幄王所居之帳也鄭司農云帟

平帳也綬組綬所以繫帷也玄謂帟主在

幕若幄中坐上承塵幄帟皆以繪為之凡

四物者以綬連繫焉

凡朝覲會同軍旅田役祭祀共其帷幕幄帟

綬共之者掌次當以張

司豐天官

幕人

舍

省古樓

稽古樓

大喪共帷幕帟綬

為賓客飾也帷以帷堂或與幕張之於庭
帟在樞上

三公及卿大夫之喪共其帟

唯士無帟王有惠則賜之檀弓曰君於士
有賜帟

掌次掌王之灋以待張事

灋大小丈尺

王大旅上帝則張氈案設皇邸

大旅上帝祭天於圓丘國有故而祭亦曰
旅此以旅見祀也張氈案以氈為牀於幄
中鄭司農云皇羽覆上邸後版也玄謂後
版屏風與染羽象鳳皇羽色以為之

朝日祀五帝則張大次小次設重帟重案合
諸侯亦如之

朝日春分拜日於東門之外祀五帝於四

司是天窗

掌次

全

皆古婁

郊次謂幄也大幄初往所止居也小幄謂接祭退俟之處祭義曰周人祭日以朝及闇雖有強力孰能支之是以退俟與諸臣代有事焉合諸侯於壇王亦以時休息重帟復帟重案牀重席也鄭司農云五帝五色之帝

師田則張幕設重帟重案

不張幄者於是臨誓眾王或回顧占察

諸侯朝覲會同則張大次小次

大次亦初往所止居小次即宮待事之處

師田則張幕設案

鄭司農云師田謂諸侯相與師田立謂此掌次張之諸侯從王而師田者

孤卿有邦事則張幕設案

有邦事謂以事從王若以王命出也孤王之孤三人副三公論道者不言公公如諸

侯禮從王祭祀合諸侯張大次小次師田亦張幕設案

凡喪王則張帟三重諸侯再重孤卿大夫不重

張帟柩上承塵

凡祭祀張其旅幕張尸次

旅衆也公卿以下卽位所祭祀之門外以待事爲之張大幕尸則有帷鄭司農云尸

次祭祀之尸所居更衣帳

射則張耦次掌凡邦之張事

耦俱升射者次在洗東大射曰遂命三耦取弓矢于次

大府掌九貢九賦九功之貳以受其貨賄之入頒其貨于受藏之府頒其賄于受用之府凡官府都鄙之吏及執事者受財用焉大音泰藏

去聲

司豐天官

大府

卷

禮記

九功謂九職也受藏之府若內府也受用之府若職內也凡貨賄皆藏以給用耳良者以給王之用其餘以給國之用或言受藏或言受用又雜言貨賄皆互文

凡頒財以式灋授之關市之賦以待王之膳服邦中之賦以待賓客四郊之賦以待稍秣家削之賦以待匪頒邦甸之賦以待工事邦縣之賦以待幣帛邦都之賦以待祭祀山澤

之賦以待喪紀幣餘之賦以待賜予

符猶給也此九賦之財給九式者膳服即羞服也稍秣即芻秣也謂之稍稍用之物也喪紀即喪荒也賜予即好用也鄭司農云幣餘使者有餘來還也立謂幣餘占賣國之斤幣

凡邦國之貢以待弔用

此九貢之財所給也給弔用給凶禮之五

司豐天官

大府

矣

稽古

居刑

事

凡萬民之貢以充府庫

此九職之財充猶足

凡式貢之餘財以共玩好之用

謂先給九式及弔用足府庫而有餘財乃可以共玩好明玩好非治國之用言式言貢互文

凡邦之賦用取具焉歲終則以貨賄之入出

會之

賦用用賦

王府掌王之金玉玩好兵器凡良貨賄之藏

好呼報反

良善也此物皆式貢之餘財所作其不良又有受而藏之者

共王之服玉佩玉珠玉

佩玉者王之所帶者玉藻曰君子於玉比

司豐天官玉府

允

管古

德焉天子佩白玉而玄組綬詩傳曰佩玉
上有葱衡下有雙璜衝牙蠙珠以納其間
鄭司農云服玉冠飾十二玉

王齊則共食玉

齊音齋

玉是陽精之純者食之以禦水氣鄭司農
云王齊當食玉屑

大喪共含玉復衣裳角枕角

柶音四

角枕以枕尸鄭司農云復招魂也衣服生

時服招魂復魄于太廟至四郊角柶角

也以楔齒士喪禮曰楔齒用角柶楔齒者

令可飯含玄謂復於四郊以綬

掌王之燕衣服衽席牀第凡褻器

第音子

燕衣服者巾絮寢衣袍禪之屬皆良貨賄
皆成第簀也鄭司農云衽席單席也褻器

清器虎子之屬

若合諸侯則共珠槃玉敦

敦音對

司豐天官

玉府

卒

音

敦槃類珠玉以為飾古者以槃盛血以敦盛食合諸侯者必割牛耳取其血歃之以盟珠槃以盛牛耳尸盟者執之故書珠為夷鄭司農云夷槃或為珠槃玉敦歃血玉器

凡王之獻金玉兵器文織良貨賄之物受而藏之

謂百工為王所作可以獻遺諸侯古者致

物於人尊之則曰獻通行曰饋春秋曰齊侯來獻戎捷尊魯也文織畫及繡錦

凡王之好賜共其貨賄

內府掌受九貢九賦九功之貨賄良兵良器以待邦之大用

大用朝覲之頒賜

凡四方之幣獻之金玉齒革兵器凡良貨賄入焉

諸侯朝聘所獻國珍

凡適四方使者共其所受之物而奉之

王所以遺諸侯者

凡王及冢宰之好賜予則共之

冢宰待四方賓客之小治或有所善亦賜予之

外府掌邦布之入出以共百物而待邦之用凡有灋者

布泉也布讀為宣布之布其藏曰泉其行曰布取名於水泉其流行無不徧入出謂受之復出之共百物者或作之或買之待猶給也有法百官之公用也泉始蓋一品周景王鑄大泉而有二品後數變易不復識本制至漢惟有五銖久行王莽改貨而異作泉布多至十品今存於民間多者有貨布大泉貨泉貨布長二尺五寸廣寸首

司禮天官

外府

卷

稽古樓

長八分有奇廣八分其圓好徑二分半足
枝長八分其右文曰貨左文曰布重二十
五銖直貨泉二十五大泉徑一寸二分重
十二銖文曰大泉直十五貨泉貨泉徑一
寸重五銖右文曰貨左文曰泉直一也

共王及后世子之衣服之用凡祭祀賓客喪
紀會同軍旅共其財用之幣齋賜予之財用

齋音

齋行道之財用也聘禮曰問幾月之齋鄭

司農云齋或為資今禮家定齋作資立謂

齋資同耳其字以齊次為聲從貝變易古

字亦多或作資

凡邦之小用皆受焉

皆來受

歲終則會唯王及后之服不會

司會掌邦之六典八灋八則之貳以逆邦國

司豐天官司會

卷三

卷之四

都鄙官府之治

逆受而鈎考之

以九貢之灋致邦國之財用以九賦之灋令
田野之財用以九功之灋令民職之財用以
九式之灋均節邦之財用掌國之官府郊野
縣都之百物財用凡在書契版圖者之貳以
逆羣吏之治而聽其會計

郊四郊去國百里野甸稍也甸去國二百

里稍三百里縣四百里都五百里書謂簿
書契其最凡也版戶籍也圖土地形象田

地廣狹

以參互攷日成以月要攷月成以歲會攷歲
成

參互謂司書之要貳與職內之入職歲之
出故書互為巨杜子春讀為參互

以周知四國之治以詔王及冢宰廢置

司書天官司會

九齒

稽古樓

周猶徧也言四國者本逆邦國之治亦鈎考以告

司書掌邦之六典八灋八則九職九正九事邦中之版土地之圖以周知入出百物以敘其財受其幣使入于職幣

正音征

九正謂九賦九貢正稅也九事謂九式變言之者重其職明本而掌之非徒相副貳也敘猶比次也謂鈎考其財幣所給及其

餘見為之簿書故書受為授鄭司農云授當為受謂受財幣之簿書也立謂亦受錄其餘幣而為之簿書使之入于職幣幣物當以時用之久藏將朽蠹

凡上之用財用必攷于司會三歲則大計羣吏之治以知民之財器械之數以知田野夫家六畜之數以知山林川澤之數以逆羣吏之徵令

上謂王與冢宰也王雖不會亦當知多少而闕之司會以九式均節邦之財用械猶兵也逆受而鉤考之山林川澤童枯則不稅

凡稅斂掌事者受灋焉及事成則入要貳焉法猶數也應當稅者之數成猶畢也

凡邦治攷焉

考其灋於司書

職內掌邦之賦入辨其財用之物而執其總以貳官府都鄙之財入之數以逆邦國之賦用

辨財用之物處之使種類相從總謂簿書之種別與大凡官府之有財入若關市之屬

凡受財者受其貳令而書之

受財受於職內以給公用者貳令者謂若

司農天官

職內

矣

稽古樓

今御史所寫下本奏王所可者書之若言
某月某日某甲詔書出某物若干給某官
某事

及會以逆職歲與官府財用之出

亦參互鉤考之

而敘其財以待邦之移用

亦鉤考今藏中餘見為之簿移用謂轉運
給他

職歲掌邦之賦出以貳官府都鄙之財出賜
之數以待會計而攷之

以貳者亦如職內書其貳令而編存之

凡官府都鄙羣吏之出財用受式灋于職歲

百官之公用式灋多少職歲掌出之舊用

事存焉

凡上之賜予以敘與職幣授之

敘受賜者之尊卑

及會以式灋贊逆會

助司會鉤考羣吏之計

職幣掌式灋以斂官府都鄙與凡用邦財者

之幣振掌事者之餘財皆辨其物而奠其錄

以書楊之以詔上之小用賜予

楊其列反

幣謂給公用之餘凡用邦財者謂軍旅振

猶拊也檢也掌事謂以王命有所作為先

言斂幣後言振財王之奠定也故書錄為

祿杜子春云祿當為錄定其錄籍鄭司農

云楊之若今時為書以著其幣

歲終則會其出凡邦之會事以式灋贊之

司裘掌為大裘以共王祀天之服

鄭司農云大裘黑羔裘服以祀天示質

中秋獻良裘王乃行羽物季秋獻功裘以待

頒賜

中音仲

良善也中秋鳥獸雉毼因其良時而用之

周禮

天官

司裘

矣

稽古

鄭司農云良裘王所服也行羽物以羽物
飛鳥賜羣吏玄謂良裘玉藻所謂黼裘與
此羽物小鳥鶉雀之屬鷹所擊者中秋鳩
化爲鷹中春鷹化爲鳩順其始殺與其將
止而大班羽物功裘人功微羸謂狐青麀
裘之屬鄭司農云功裘卿大夫所服

王大射則共虎侯熊侯豹侯設其鵠諸侯則
共熊侯豹侯卿大夫則共麋侯皆設其鵠古鵠

反

大射者爲祭祀射王將有郊廟之事以射
擇諸侯及羣臣與邦國所貢之士可以與
祭者射者可以觀德行其容體比於禮其
節比於樂而中多者得與於祭諸侯謂三
公及王子弟封於畿內者卿大夫亦皆有
采地焉其將祀其先祖亦與羣臣射以擇
之凡大射各於其射宮侯者其所射也以

司禮 天官 司裘

堯

稽古 禮

虎熊豹麋之皮飾其側又方制之以爲臯
謂之鵠著于侯中所謂皮侯王之大射虎
侯王所自射也能侯諸侯所射豹侯卿大
夫以下所射諸侯之大射熊侯諸侯所自
射豹侯羣臣所射卿大夫之大射麋侯君
臣共射焉凡此侯道虎九十弓熊七十弓
豹麋五十弓列國之諸侯大射大侯亦九
十糝七十豨五十遠尊得伸可同耳所射

一正謂之侯者天子中之則能服諸侯諸侯
以下中之則得爲諸侯鄭司農云鵠鵠毛
也方十尺曰侯四尺曰鵠二尺曰正四寸
曰質立謂侯中之大小取數於侯道鄉射
記曰弓二寸以爲侯也則九十弓者侯中
廣丈八尺七十弓者侯中廣丈四尺五十
弓者侯中廣一丈尊卑異等此數明矣考
工記曰梓人爲侯廣與崇方參分其廣而

鵠居一焉然則侯中丈八尺者鵠方六尺
侯中丈四尺者鵠方四尺六寸大半寸侯
中一丈者鵠方三尺三寸少半寸謂之鵠
者取名於鴉鵠鴉鵠小鳥而難中是以中
之爲雋亦取鵠之言較較者直也射所以
直已志用虎熊豹麋之皮示服猛討迷惑
者射者大禮故取義衆也士不大射士無
臣祭無所擇故書諸侯則共熊侯虎侯杜

于春云虎當爲豹

大喪廡裘飾皮車

廡音欬

皮車遣車之革路故書廡爲淫鄭司農云
淫裘陳裘也立謂廡與也若詩之與謂象
似而作之凡爲神之偶衣物必沾而小耳
凡邦之皮事掌之歲終則會唯王之裘與其
皮事不會

掌皮掌秋斂皮冬斂革春獻之遂以式灋頒

司書天官掌皮

百一

皆古書

皮革于百工

皮革踰歲乾久乃可用獻之獻其良者於王以入司裘給王用式灋作物所用多少故事

共其毳毛為氈以待邦事歲終則會其財齋

毳尺鏡反

當用氈則共之毳毛毛細縲者財斂財本數及餘見者齋所給予人以物曰齋今時

詔書或曰齋計吏鄭司農云齋或為資

內宰掌書版圖之灋以治王內之政令均其稍食分其人民以居之

版謂宮中閣寺之屬及其子弟錄籍也圖王及后世子之宮中吏官府之形象也政令謂施閹寺者稍食吏祿稟也人民吏子弟分之使眾者就寡均宿衛

以陰禮教六宮

內宰

鄭司農云陰禮婦人之禮六宮後五前一王之妃百二十人后一人夫人三人嬪九人世婦二十七人女御八十一人玄謂六宮謂后也婦人稱寢曰宮宮隱蔽之言后象王立六宮而居之亦正寢一燕寢五教者不敢斥言之謂之六宮若今稱皇后為中宮矣昏禮母戒女曰夙夜毋違宮事以陰禮教九嬪

教以婦人之禮不言教夫人世婦者舉中

省文

以婦職之灋教九御使各有屬以作二事正

其服禁其奇衺展其功緒

奇音基 衺音邪

婦職謂織紝組紃縫線之事九御女御也

九九而御于王因以號焉使之九九為屬同時御又同事也正其服止踰侈奇衺若今媚道展猶錄也緒業也故書二為三杜

子春云當為二二事謂絲栗之事

大祭祀后裸獻則贊瑤爵亦如之

謂祭宗廟王既裸而出迎牲后乃從後裸也祭統曰君執圭瓚裸尸大宗執璋瓚亞裸此大宗亞裸謂夫人不與而攝耳獻謂王薦腥薦熟后亦從後獻也瑤爵謂尸卒食王既酌尸后亞獻之其爵以瑤為飾

正后之服位而詔其禮樂之儀

薦徹之禮當與樂相應位謂房中戶內及阼所立處

贊九嬪之禮事

助九嬪贊后之事九嬪者贊后薦玉盞薦徹豆籩

凡賓客之裸獻瑤爵皆贊

謂王同姓及二王之後來朝覲為賓客者裸之禮亞王而禮賓獻謂王饗燕亞王獻

賓也瑤爵所以亞王酬賓也坊記曰陽侯殺穆侯而竊其夫人故大饗廢夫人之禮致后之賓客之禮

謂諸侯來朝觀及女賓之賓客

凡喪事佐后使治外內命婦正其服位

使使其屬之上士內命婦謂九嬪世婦女御鄭司農云外命婦卿大夫之妻王命其夫后命其婦玄謂士妻亦為命婦

凡建國佐后立市設其次置其敘正其肆陳

其貨賄出其度量淳制祭之以陰禮量音良淳音準

市朝者君所以建國也建國者必面朝後市王立朝而后立市陰陽相承之義次司次也敘介次也陳猶處也度丈尺也量豆區之屬鄭司農云佐后立市者始立市后立之也祭之以陰禮者市中之社先后所立社也故書淳為敦杜子春讀敦為純純

謂幅廣也制謂四長玄謂純制天子巡守禮所云制幣丈八尺純四狶與陰禮婦人之祭禮

中春詔后帥外內命婦始蠶于北郊以為祭服

蠶于北郊婦人以純陰為尊郊必有公桑蠶室焉

歲終則會內人之稍食稽其功事

內人主謂九御

佐后而受獻功者比其小大與其麤良而賞罰之

獻功者九御之屬鄭司農云烝而獻功玄謂典婦功曰及秋獻功

會內宮之財用

計夫人以下所用財

正歲均其稍食施其功事憲禁令于王之北

司豐天官內宰

頁

皆古禮

宮而糾其守

均猶調度也施猶賦也北宮后之六宮謂之北宮者繫于王言之明用王之禁令令之守宿衛者

上春詔王后帥六宮之人而生種稷之種而

獻之于王

種音童稷音六種上聲

六宮之人夫人以下分居后之六宮者古者使后宮藏種以其有傳類蕃孳之祥必

生而獻之示能育之使不傷敗且以佐王耕事共禘郊也鄭司農云先種後孰謂之種後種先孰謂之稷王當以耕種于籍田玄謂詩云黍稷種稷是也夫人以下分居后之六宮者每宮九嬪一人世婦三人女御九人其餘九嬪三人世婦九人女御二十七人從后唯其所燕息焉從后者五日而沐浴其次又上十五日而徧云夫人如

三公從容論婦禮

內小臣掌王后之命正其服位

命謂使令所為或言王后或言后通耳

后出入則前驅

道之

若有祭祀賓客喪紀則擯詔后之禮事相九

嬪之禮事正內人之禮事徹后之俎相去聲

擯為后傳辭有所求為詔相正者異尊卑

也俎謂后受尸之爵飲于房中之俎

后有好事于四方則使往有好令於卿大夫

則亦如之好去聲

后於其族親所善者使往問遺之

掌王之陰事陰令

陰事羣妃御見之事若今掖庭令晝漏不

盡八刻日錄所記推當御見者陰令王所

求為於北宮

周禮天官內小臣

頁

卷之七

闈人掌守王宮之中門之禁

中門於外內為中若今宮闕門鄭司農云
 王有五門外曰皋門二曰雉門三曰庫門
 四曰應門五日路門路門一曰畢門玄謂
 雉門三門也春秋傳曰雉門災及兩觀
 喪服凶器不入宮潛服賊器不入宮奇服怪
 民不入宮
 喪服衰經也凶器明器也潛服若衷甲者

賊器盜賊之任器兵物皆有刻識奇服衣
 非常春秋傳曰龙奇無常怪民狂易

凡內人公器賓客無帥則幾其出入

三者之出入當須使者符節乃行鄭司農
 云公器將持公家器出入者幾謂無將帥
 引之者則苛其出入

以時啓閉

時漏盡

凡外內命夫命婦出入則為之闢掌埽門庭

闢本亦作辟婢亦反

辟行人使無干也內命夫鄉大夫士之在

宮中者門庭門相當之地

大祭祀喪紀之事設門燎蹕宮門廟門凡賓

客亦如之

燎地燭也蹕止行者廟在中門之外

寺人掌王之內人及女宮之戒令相道其出

入之事而糾之

內人女御也女宮刑女之在宮中者糾猶

督察也

若有喪紀賓客祭祀之事則帥女宮而致於有司

有司謂宮卿世婦

佐世婦治禮事

世婦二十七世婦

司禮天官寺人

享

皆古禮

掌內人之禁令凡內人弔臨於外則帥而往
立于其前而詔相之

從世婦所弔若哭其族親立其前者賤也
賤而必詔相之者出入於王宮不可以闕
於禮

內豎掌內外之通令凡小事

內后六宮外卿大夫也使童豎通玉函外
之命給小事者以其無與為禮諸人便疾

內外以大事聞王則俟朝而自復

若有祭祀賓客喪紀之事則為內人蹕為去聲

內人從世婦有事於廟者內豎為六宮蹕
者以其掌內小事

王后之喪遷于宮中則前蹕及葬執褻器以
從遣車

喪遷者將葬朝于廟褻器振飾頰沐之器

九嬪掌婦學之灋以教九御婦德婦言婦容

司禮天官內豎九嬪 享省古樓

婦功各帥其屬而以時御敘于王所

婦德謂貞順婦言謂辭令婦容謂婉婉婦功謂絲枲自九嬪以下九九而御於王所九嬪者既習於四事又備於從人之道是以教女御也教各帥其屬者使亦九九相與從於王所息之燕寢御猶進也勸也進勸王息亦相次敘凡羣妃御見之法月與后妃其象也卑者宜先尊者宜後女御八

十一人當九夕世婦二十七人當三夕九嬪九人當一夕二夫人當一夕后當一夕亦十五日而徧云自望後反之孔子云日者天之明月者地之理陰契制故月上屬為天使婦從夫放月紀

凡祭祀贊玉盞贊后薦徹豆籩

玉盞玉敦受黍稷器后進之而不徹故書玉為王杜子春讀為玉

若有賓客則從后

當贊后事

大喪帥敍哭者亦如之

亦從后帥猶道也后哭之衆次敍者乃哭

世婦掌祭祀賓客喪紀之事帥女宮而濯

為盥盛

概音蓋

概拭也為猶差擇

及祭之日涖陳女宮之具凡內羞之物

涖者臨也內羞謂房中之羞

掌弔臨于卿大夫之喪

王使往弔

女御掌御敍于王之燕寢

言掌御敍防上之專妬者于王之燕寢則

王不就后宮息也

以歲時獻功事

絲枲成功之事

司豐天官

世婦

女御

厘

冢古婁

和古樓

凡祭祀贊世婦

助其帥泣女宮

大喪掌沐浴

王及后之喪

后之喪持翣

翣音挿

翣棺飾也持而從柩車

從世婦而弔于卿大夫之喪

從之數蓋如使者之介云

女祝掌王后之內祭祀凡內禱祠之事

內祭祀六宮之中竈門戶禱疾病求瘳也

祠報福

掌以時招梗禴禳之事以除疾殃

禴音潰禳音常

鄭大夫讀梗為亢謂招善而亢惡去之杜

子春讀梗為更立謂梗禦未至也除災害

曰禴禴猶刮去也卻變異曰禴禴攘也四

禮唯禴其遺象今存

女史掌王后之禮職掌內治之貳以詔后治

內政

內治之法本在內宰書而貳之

逆內宮

鈎考六宮之計

書內令

后之令

凡后之事以禮從

亦如大史之從於王

典婦功掌婦式之灋以授嬪婦及內人女功之事齋

婦式婦人事之模範灋其用財舊數嬪婦

九嬪世婦言及以殊之者容國中婦人賢

善工於事者事齋謂以女功之事來取絲

象故書齋為資杜子春讀為齋鄭司農云

內人謂女御女功事齋謂女功絲象之事

司豐天官

女史

典婦功

五

省古妻

凡授嬪婦功及秋獻功辨其苦良比其小大

而賈之物書而楬之以共王及后之用頒之

于內府賈音價楬音傑下二職並同

授當為受聲之誤也國中嬪婦所作成即送之不須獻功時賈之者物不正齊當以泉計通功鄭司農苦讀為監謂分別其縑帛與布紵之麤細皆比方其大小書其賈數而著其物若今時題署物

典絲掌絲入而辨其物以其賈楬之

絲入謂九職之嬪婦所貢絲

掌其藏與其出以待興功之時頒絲于外內工皆以物授之

絲之貢少藏之出之可同官也時者若温煖宜縑帛清涼宜文繡外工外嬪婦也內

工女御

凡上之賜予亦如之

司皇天官典絲

冥

嘗古婁

王以絲物賜人

及獻功則受良功而藏之辨其物而書其數以待有司之政令上之賜予

良當為苦字之誤受其麤鹽之功以給有司之公用其良功者典婦功受之以共王及后之用鄭司農云良功絲功縑帛

凡祭祀共黼畫組就之物

以給衣服冕旒及依盟巾之屬白與黑謂

之黼采色一成曰就

喪紀共其絲纁組文之物

以給線縷著盱口綦握之屬青與赤謂之文

凡飾邦器者受文織絲組焉

謂茵席屏風之屬

歲終則各以其物會之

種別為計鄭司農云各以其所飾之物計

會傳著之

典臬掌布總縷紵之麻草之物以待時頒功而授齋

總十五升布抽其半者白而細疏曰紵雜言此數物者以著其類眾多草葛蒺之屬故書齋作資

及獻功受苦功以其賈楬而藏之以待時頒其良功亦入於典婦功以其王及后之用

鄭司農云苦功謂麻功布紵

頒衣服授之賜予亦如之歲終則各以其物會之

授之授受頒者帛言待有司之政令布言頒衣服互文

內司服掌王后之六服禕衣揄狄闕狄鞠衣

展衣緣衣素沙禕音暉揄音搖狄同翟緣音豕沙同紗

鄭司農云禕衣畫衣也祭統曰君卷冕立

司豐天官內司服

夏音古書

于阼夫人副禕立于東房揄狄闕狄畫羽
飾展衣白衣也喪大記曰復者朝服君以
卷夫人以屈狄世婦以禮衣屈者音聲與
闕相似禮與展相似皆婦人之服鞠衣黃
衣也素沙赤衣也玄謂狄當爲翟翟雉名
伊雒而南素質五色皆備成章曰翟江淮
而南青質五色皆備成章曰搖王后之服
刻繒爲之形而采畫之綴於衣以爲文章

禕衣畫翟者揄翟畫搖者闕翟刻而不畫
此三者皆祭服從王祭先王則服禕衣祭
先公則服揄翟祭羣小祀則服闕翟今世
有圭衣者蓋三翟之遺俗鞠衣黃桑服也
色如鞠塵象桑葉始生月令三月薦鞠衣
于先帝告桑事展衣以禮見王及賓客之
服字當爲禮禮之言亶亶誠也詩國風曰
玼兮玼兮其之翟也下云胡然而天也胡

然而帝也言其德當神明又曰嗟兮嗟兮其之展也下云展如之人兮邦之媛也言其行配君子二者之義與禮合矣雜記曰夫人服稅衣揄狄又喪大記曰士妻以祿衣言祿者甚衆字或作稅此緣衣者實作祿衣也祿衣御于王之服亦以燕居男子之祿衣黑則是亦黑也六服備於此矣禕揄狄展聲相近緣字之誤也以下推次其

色則闕狄赤揄狄青禕衣玄婦人尚專一德無所兼連衣裳不異其色素沙者今之白縛也六服皆袍制以白縛爲裏使之張顯今世有沙縠者名出于此

辨外內命婦之服鞠衣展衣緣衣素沙

內命婦之服鞠衣九嬪也展衣世婦也緣衣女御也外命婦者其夫孤也則服鞠衣其夫卿大夫也則服展衣其夫士也則服

緣衣三夫人及公之妻其闕狄以下平侯伯之夫人掄狄子男之夫人亦闕狄唯二王後禕衣

凡祭祀賓客共后之衣服及九嬪世婦凡命婦共其衣服共喪衰亦如之

凡者凡女御與外命婦也言及言凡殊貴賤也春秋之義王人雖微者猶序乎諸侯之上所以尊尊也臣之命者再命以上受

服則下士之妻不共也外命婦唯王祭祀賓客以禮佐后得服此上服自於其家則

降焉

后之喪共其衣服凡內具之物

內具紛帨線纊鞶裘之屬

縫人掌王宮之縫線之事以役女御以縫王及后之衣服

女御裁縫王及后之衣服則為役助之宮

中餘裁縫事則專為焉鄭司農云線縷也
喪縫棺飾焉

孝子既啓見棺猶見親之身既載飾而以
行遂以葬若存時居于帷幕而加文繡喪
大記曰飾棺君龍帷三池振容黼荒火三
列黻三列素錦褚加偽荒纁紐六齊五采
五貝黼翼二黻翼二畫翼二皆戴圭魚躍
拂池君纁戴六纁披六此諸侯禮也禮器

曰天子八翼諸侯六翼大夫四翼漢禮器
制度飾棺天子龍火黼黻皆五列又有龍
翼二其戴皆加璧故書焉為馬杜子春云
當為焉

衣翼柳之材

必先纏衣其材乃以張飾也柳之言聚諸
飾之所聚書曰分命和仲度西曰柳穀故
翼柳作接楨鄭司農云接讀為盭楨讀為

柳皆棺飾檀弓曰周人牆置翬春秋傳曰
四盪不蹕

掌凡內之縫事

深人掌深絲帛凡深春暴練夏纁玄秋深夏

冬獻功暴音僕
夏音假

暴練練其素而暴之故書纁作蠶鄭司農
云蠶讀當為纁纁謂絳也夏大也秋乃大
深玄謂纁玄者謂始可以深此色者玄纁

者天地之色以為祭服石深當及盛暑熱
潤始湛研之三月而後可用考工記鍾氏
則深纁術也深玄則史傳闕矣深夏者深
五色謂之夏者其色以夏狄為飾禹貢曰
羽畎夏狄是其總名其類有六曰翬曰搖
曰鬪曰當曰希曰蹲其毛羽五色皆備成
音深者擬以為深淺之度是以放而取名
焉

掌凡洗事

追師掌王后之首服為副編次追衡笄為九嬪及外內命婦之首服以待祭祀賓客

追音堆

鄭司農云追冠名士冠禮記曰委貌周道

也章甫殷道也牟追夏后氏之道也追師

掌冠冕之官故并主王后之首服副者婦

人之首服祭統曰君卷冕立于阼夫人副

禕立于東房衡維持冠者春秋傳曰衡統

紘縱立謂副之言覆所以覆首為之飾其

遺象若今步繇矣服之以從王祭祀編編

列髮為之其遺象若今假紒矣服之以桑

也次次第髮長短為之所謂髮髡服之以

見王王后之燕居亦纒笄總而已追猶治

也詩云追琢其璋王后之衡笄皆以玉為

之唯祭服有衡垂于副之兩旁當耳其下

以紘縣瑱詩云玼兮玼兮其之翟也鬢髮

如雲不屑鬢也玉之瑱也是之謂也笄卷
 髮者外內命婦衣鞠衣禮衣者服編衣緣
 衣者服次外內命婦非王祭祀賓客佐后
 之禮自於其家則亦降焉少牢饋食禮曰
 主婦髮鬢衣移袂特牲饋食禮曰主婦纒
 笄宵衣是也昏禮女次純衣攝盛服耳主
 人爵弁以迎移袂祿衣之袂凡諸侯夫人
 於其國衣服與王后同

喪紀共笄經亦如之

屨人掌王及后之服屨為赤舄黑舄赤纁黃

纁青舄素屨葛屨

纁音億 句音劬

屨自明矣必連言服者著服各有屨也復
 下曰舄禪下曰屨古人言屨以通於復今
 世言屨以通於禪俗易語反與舄屨有絢
 有纁有純者飾也鄭司農云赤纁黃纁以
 赤黃之絲為下緣士喪禮曰夏葛屨冬皮

履皆總緇純禮家說總亦謂以采絲礫其
 下玄謂凡履舄各象其裳之色士冠禮曰
 玄端黑履青絢總純素積白履緇絢總純
 爵弁纁履黑絢總純是也王吉服有九舄
 有三等赤舄為上冕服之舄詩云王錫韓
 侯玄衮赤舄則諸侯與王同下有白舄黑
 舄王后吉服六唯祭服有舄玄舄為上禕
 衣之舄也下有青舄赤舄鞠衣以下皆履

耳句當為絢聲之誤也絢總純者同色今
 云赤總黃總青絢雜互言之明舄履衆多
 反覆以見之凡舄之飾如績之次赤總者
 玉黑舄之飾黃總者王后玄舄之飾青絢
 者王白舄之飾言總必有絢純言絢亦有
 總純三者相將王及后之赤舄皆黑飾后
 之青舄白飾凡履之飾如繡次也黃履白
 飾白履黑飾黑履青飾絢謂之拘著舄履

之頭以為行戒總縫中紉純緣也天子諸侯吉事皆舄其餘唯服冕衣翟著舄耳士爵弁纁屨黑絢總純尊祭服之屨飾從纁也素屨者非純吉有凶去飾者言葛屨明有用皮時

辨外內命夫命婦之命屨功屨散屨

命夫之命屨纁屨命婦之命屨黃屨以下功屨次命屨於孤卿大夫則白屨黑屨九

嬪內子亦然世婦命婦以黑屨為功屨女御士妻命屨而已士及士妻謂再命受服者散屨亦謂去飾

凡四時之祭祀以宜服之

祭祀而有素屨散屨者唯大祥時

夏采掌大喪以冕服復于大祖以乘車建綬

復于四郊夏音假下大字音泰乘去聲

求之王平生常所有事之處乘車玉路於

太廟以冕服不出宮也四郊以綏出國門
此行道也鄭司農云復謂始死招魂復魄
士喪禮曰士死于適室復者一人以爵弁
服升自東榮中屋北面招以衣曰皋某復
三降衣于前受用篋升自阼階以衣尸喪
大記曰復男子稱名婦人稱字唯哭先復
言死而哭哭而復奠其復反故檀弓曰復
盡愛之道也望反諸幽求諸鬼神之道也

北面求諸幽之義也檀弓又曰君復於小
寢大寢小祖大祖庫門四郊喪大記又曰
復者朝服君以卷夫人以屈狄大夫以玄
纁世婦以禮衣士以爵弁士妻以稅衣雜
記曰諸侯行而死于館則其復如於其國
如於道則升其乘車之左轂以其綏復大
夫死於館則其復如於家死於道則升其
乘車之左轂以其綏復喪大記又曰爲賓

則公館復私館不復夏采天子之官故以冕服復于大祖以乘車建綏復于四郊天子之禮也大祖始祖廟也故書綏為禮杜子春云當為綏禮非是也玄謂明堂位曰凡四代之服器魯兼用之有虞氏之旂夏后氏之綏則旂旂有是綏者當作綏字之誤也綏以旄牛尾為之綴於幢上所謂注旄於干首者王祀四郊乘玉路建大常今

以之復去其旒異之於生亦因先王有徒綏者士冠禮及玉藻冠綏之字故書亦多作綏者今禮家定作紩

